

補春秋僖公事闕書孝背題贈




補春秋僖公事
闕書
光緒壬寅

鄭孝胥題



光緒辛
丑宛平
來氏鐵
研齋自
刻本

自敘



春秋說曰孔子作春秋萬八千字九月而書成以授游夏之徒不能改一字蓋魯史記之文本錄內而畧外聖人取百二十國寶書損益之大致則畧同故曰述而不作也魯史記之例常事不能不悉書備載春秋盡削之其存什一於千百以著微文刺譏爲萬世法故曰非記事之書也然其間多闕漏者則又爲魯

補春秋僖公事闕書

一

鍊研叁叢書

史記所本無也今考魯頌及左傳公羊傳得春秋闕漏若干條臚而列之晦翁有言曰補其闕略以俟後之君子極知僭踰無所逃罪古人可作先得我心已光緒二十有三年歲次彊圉作噩宛平桑宣自敘於

鍊研叁

叢書

百錄

補春秋僖公事闕書

補春秋僖公事闕書或指此或指此

行父請周不書

按春秋例大夫無故不得出竟羣臣出使嘉好聘

享出竟必書請周作頌事孰大焉春秋不書當是

闕漏

常許不書

補春秋僖公事闕書

一

鍊研金叢書

按許許田也魯朝宿之邑也諸侯有大德受采邑

於京師爲將朝而宿焉謂之朝宿之邑魯以周公

之故成王賜之許田春秋之時魯不朝周邑無所

用而許田近於鄭國鄭有祊田地勢之便而與鄭

易之桓元年鄭伯以璧假許田公羊傳曰許田者

何魯朝宿之邑也此魯朝宿之邑曷爲謂之許田

諱取周田繫之許近許也如此則魯之有許見經

傳明甚此常與許卽是彼之許邑彼以近許繫許
則非魯之鄙邑矣桓公以許與鄭僖公又得居之
故美其能復周公之宇也春秋於僖公之世不書
得許田當是闕漏

伐戎狄不書

按闕宮詩曰戎狄是膺荆舒是懲僖公之世用兵
於戎狄荆舒者雖多見於經者絕少惟僖四年經

補春秋僖公事闕書

二

鍊研叢叢書

書公會齊侯等侵蔡蔡潰遂伐楚楚一名荆羣舒
又是楚之與國故連言荆舒其伐戎狄則無文唯
十年經書齊侯許男伐北戎其時蓋魯使人助之
師賤兵少故不書或別有伐時經傳脫漏如伐淮
夷之類然則春秋不書當是闕漏

三軍不書

闕宮詩曰公徒三萬傳云萬二千五百人爲軍大國

三軍合三萬七千五百人言三萬者舉成數也按襄十一年經書作三軍昭五年又書舍中軍而此三軍不書當是闕漏

作新廟不書

謹按初始曰作新作南門新作雉門皆是闕宮詩曰新廟奕奕奚斯所作傳新廟閔公廟也正義謂僖公繼閔公爲君故以新廟爲閔公廟王肅云僖

補春秋僖公事闕書

三

鉅研益叢書

公以庶兄後閔公爲之立廟是僖公明作閔公廟矣春秋不書當是闕漏又鄭箋以新廟爲姜嫄廟然修姜嫄廟春秋亦不書

修泮宮不書

按天子辟雍諸侯泮宮泮宮國學禮之大者僖公復修之自是美政春秋不書當是闕漏

淮夷來同不書

來同謂同盟也春秋之世諸侯同盟以尊王室故
知來同爲盟當僖公之世東方淮夷小國見於盟
會唯邾莒滕杞而已其餘小國及淮夷同盟不見
於經當是闕漏

伐淮夷不書

按正義曰春秋僖十六年經書冬十有二月公會
齊侯宋公等于淮左氏傳曰會于淮謀郟且東略

補春秋僖公事闕書

四

鐵研齋叢書

僖九年左傳宰孔云齊侯不務德而勤遠略故北
伐山戎南伐荆楚西爲此會東略之不知西則否
矣是謂征伐爲略也此言謀東略者謂東征伐而
略地也淮會既有此謀公所以遂伐淮夷泮宮之
詩篇所說伐淮夷事是也但春秋經傳僖公無伐
淮夷之事故鄭箋謂淮會之謀東略卽是謀伐淮
夷旣謀卽伐故稱遂也按左傳僖十六年冬公會

諸侯于淮未歸而使師取項公爲齊所止十七年
方始得還傳云書曰公至自會猶有諸侯之事焉
且諱之也然則伐淮夷者是在十七年末公還之
後乃興師伐之詩旣稱作泮淮夷攸服則是受成
於學然後出師非因會而遂行也淮會謀東略者
與諸侯共謀詩稱伐淮夷者專美魯侯蓋以淮夷
居淮水之上在徐州之界最近於魯於時霸者使
魯獨征之故書專美僖公也用兵征伐事之大者
春秋之例君舉必書而此不書當是闕漏

城魯不書

按春秋之例有舉必書城郭都邑事之大者城中
城城成周未有城而不書者然閔二年公羊傳桓
公使高子將南陽之甲立僖公而城魯或曰自鹿
門至于爭門者是也或曰自爭門至于吏門者是

補春秋僖公事闕書

五

鏡研堂叢書

也是僖公新立明有城魯事春秋不書當是闕漏
放佞臣郭都不書

按公羊何氏解詁曰僖公得立欣喜不恤庶眾比
致三旱卽能退辟正殿飭過求己循省百官放佞
臣郭都等理冤獄四百餘人按宣元年晉放其大
夫胥甲父于衛哀三年蔡人放其大夫公孫獵于
吳是放人固春秋所大書特書者而此不書當是

補春秋僖公事闕書

六

鍊研三叢書

闕漏

誅稅民不書

按漢黃瓊上疏曰昔魯僖遇旱以六事自讓躬節
儉閉女謁放讒佞者十三人誅稅民受貨者九人
退舍南郊天立大雨而此不書當是闕漏

此是闕公不立則其類皆事春秋不書當是闕漏

